



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta  
præcipua, & eximiæ Virtutes Sanctorum ac Beatorum utriusque sexûs  
Ejusdem Sacri, Et Ab Origine Sua Exempti Ordinis

**Meglinger, Joseph**

**[S.l.], Anno MDCLXXXIII.**

29. Novembris. 3. Cal. Decemb.

**urn:nbn:de:hbz:466:1-45314**


*Christi  
cruce est  
vitare-  
ligiosa.*

vigilias vos omnes secum singulis crucibus affixos ostendit: adjecitque: vos rigidâ disciplinæ regularis observantiâ veros esse Crucis suæ bajulos, idcoque futuros sui regni coheredes. *Licet Aeterna Veritas non pronunciasset, Jungum Crucis suave esse; ex hoc tamen clarissimum foret, quod eos, qui illud spontaneis humeris suscipiunt, sapius in hac vita, & aeternum in altera consoletur.*

S. BERNARDUS, s. 3. de dil. Deo.

*Cum  
Christo  
nolle  
pati e-  
rubes-  
cit ani-  
ma fi-  
delis.*

*Planè fideles nôrunt, quàm omnino necessarium habeant Jesum, & hunc Crucifixum: dum admirantes & amplexantes super eminentis scientia charitatem in ipso, id vel tantillum, quod sunt, in tantâ dilectionis & dignationis vicem non rependere confunduntur.*



29. Novembris. 3. Cal. Decemb.

*Obijt  
anno  
1197.*

B. GUILLIELME, Abbas Villariensis, verè Pater, sive charitatem in domesticos, sive in paupertate oppressos extra cenobium considerem: utriusque enim tam liberalem porrexisti manum; ut vacuum aliàs ea tempestate penarium cœlitùs redundasse, nemini non fuerit manifestum. *Hæc nimirum fiducie*

fiduciae in Deum verae est merces certissima. Quamvis enim non semper per prodigia Benignissima illa Bonitas suam circa nos curam declaret, nunquam tamen, ut canit Vates, deserit sperantes in se.

B: R O B E R T E, Melliflui Parentis <sup>Obijt</sup>  
 BERNARDI consobrine, sed & non <sup>anno</sup>  
 absque dolore ejusdem bis genite fili. <sup>1190.</sup>  
 Primus circa te illius labor fuit, cum  
 te inter caeteros triginta tyrones Ci-  
 stercium deduxit. Admissionem ta-  
 men in annum differente S. Stephano,  
 primi propositi tenax emissis solenni-  
 ter votis cum eodem Claramvallem  
 petiisti. Ubi tam diu te ad severa licet  
 iussa habuit obsequentem, donec te <sup>Seduci-</sup>  
 neræ ætatis tuæ malè misertus Clunia- <sup>tur in</sup>  
 census Prior ad mitiores sui cœnobii <sup>mona-</sup>  
 leges te allexit simul, & absente S. Ab- <sup>sterium</sup>  
 bate abduxit. Datus est fugæ specio- <sup>Clunia-</sup>  
 sus color, quod infans Cluniaco fueris <sup>cense.</sup>  
 Oblatus. Sed hunc BERNARDUS  
 unius epistolæ spongia ita excussit, ut  
 seductoribus ruborem, tibi veræ pæni-  
 tentiæ lacrymas expresserit. Hæc est <sup>Revo-</sup>  
 illa epistola toto celebris orbe, quam <sup>catur</sup>  
 Guilielmus, tunc sancto Patri à Secre- <sup>à Ber-</sup>  
 tis, in medio imbris scripsit intactam. <sup>nardo.</sup>  
 Itaque ad Claramvallem reversus ade-  
 ò te S. Parenti post hunc secundum  
 partum probasti, ut brevi pòst tempo-

re tibi Abbatialem Domus-Dei curam commiserit: quam per annos quinquaginta cum celebri sanctimonie fama administravisti. In finis instruetus est fraudibus hostis nostre salutis, quibus nostram in bono constantiam labefactet, & in vitiorum consuetudinem inducat. Tu me gemina virtute premuni: prudentia, ut ejus tela agnoscam, fortitudine, ut animosè repellam.

S. BERNARDUS, ser. i. de Adv.

Perseverare in malo, diabolicum est.

*Perseverare in malo, diabolicum est, & digni sunt perire cum illo, quicumque in similitudine ejus permanent in peccato.*



30. Novembris. Pridie Cal. Decembr.

Obijt  
anno  
1299.

**B**RUFINE, Archicoenobii Cisterciensis Abbas, & S. Ordinis Generalis XXIX. Experta est prius felix tuo regimine Filia Firmitas, quam bene clavum Maternum sis moderaturus: hunc autem præter alia virtutum decora mansuetudine ac prudentia exornasti. Has tu modò virtutes in me transfunde: utraque enim necessaria est, externam & internam pacem conservare volenti.

B. BER.